

OPTIEK
Oranjestad
San Nicolas

Spritzer
Fuhrmann

ARUBA ANSE COURANT



Diario



pa Aruba



Schlitz

The Beer That
Made Milwaukee Famous

ANJA 21

DIALUNA 16 DI MEI 1960

Nr. 3735

Momento di conferencia supremo a yega

Moscu, 14 mei — Prome ministro Krutshof di Rusia a bai Paris pa atende e conferencia supremo aja. El a worde acompaña pa su ministro di asuntunan exterior, Gromiko, y e ministro di defensa mariscal Malinofski. Centenares di hende tabata presente na e aeropuerto. Muchanan a ofrece e prome ministro flor.

E otro miembronan di delegacion ruso cu a bai Paris, ta: Zhukov, presidente di comision di estudio pa relacionnan cultural cu paisnan extranheros; Kuznetsov, prome viceministro di asuntunan exterior; Zorin, viceministro di asuntunan exterior; Satizukof, editor di corant „Prawda“ y Adzhubei, editor di corant „Izvestia“ y esposo di Krutshof su yiu muhe.

Medaja di merito di Echo pa Mingus y Chalk

ORANJESTAD — O. Mingus, presidente di Lago y O. Roy Chalk, presidente di Trans Caribbean Airways tabata e promeranan pa ricibi e „medaja di merito“ cu recientemente a worde institui pa e stichting „Echo of Aruba“.

Nan a spera na entrega e medajanan dia 4 di juli venidero. E medajanan aki, cu a worde concede pa prome bez ta worde entrega na personanan cu a haci nan mes merito na desarollo di industrializacin na Aruba, na desarollo di turismo y na desarollo di e popularidad di Aruba den exterior. E stichting „Echo of Aruba“ ta edita di e corant mensual „Echo“, un corant comercial, y cu ta pertenece na e Asociacion Arubano di Comerciantenan. E directiva ta spera na entrega e medajanan den Aruba Caribbean Hotel durante algun ceremonia dia 4 di juli, dia di independencia Americano.

Pa motibo cu tanto senyor Mingus como senyor Chalk ta den e stranheria lastimamente no tabata posibel na e momento aki di tende nan comentario ariba e distincion aki.



O. MINGUS


Concurso di pintamento y opstel di C.C.A. tabata un exito

Mas di cien mucha a ricibi un premio

ORANJESTAD — Mas di cien mucha homber y muher a ricibi nan premio diasabra atardi den Cultureel Centrum como ganadornan den e exitoso concurso organiso pa e Stichting C.C.A. cu motibo di su segundo lustro. Tabatin tambe entregamento di e 31 premionan di scirbimento y pintamento di Unesco Centrum Nederland door di gezaghebber F. J. C. Beaulon. Tabata presente ademas di gezaghebber, diputado E. O. Petronia y C. Yrausquin, adjunct-inspecteur di Enseñanza, maestronan di school y cientos di muchanan di school.

E presidente di C.C.A., sr. J. Beaulon, tabata e prome pa menciona e exito rotundo cu e concurso aki tabatin. E tabatin palabranan di aprecio pa e trabou cu e dos jurynan y cabeznan di school a haci. E orador tabata contento cu e cantidad grandi di muchanan cu a participa. „Esaki ta un bon comienzo pa stimula cultura“, senyor Beaulon a bisa. Despues di esaki el a bai over na invita nos gezaghebber sr. F. J. C. Beaulon pa entrega e 31 premionan cu

Gezaghebber F.J.C. Beaulon na momento di entrega e premio (un bicicleta) na Rosinda Ras di Parkietenbos 16, kende a gana e prome premio di „Regionale Prijsen“ di e concurso di Unesco. Tambe ta riba e foto senyor J. Beaulon, presidente di C.C.A.



Entregamento di premionan

Un number cu mester menciona ta sigur di Mario A. Croes di Sint Dominicus College, kende a haci algo unico. Mario ta biba na Santa Cruz 124 y a gana e tercer premio di e Koninkrijks-prijs y e segundo premio di e Regionale prijs di e Concurso di Unesco, cu tambe

yega Paris awe mainta, net prome cu el a yega nan a tuma medidanan severo di seguridad. Krutshof, kende a yega di dia mas tempran cu nan a spera, lo tin un discusion majan mainta cu presidente De Gaulle.

Adenauer tambe a yega Paris awe

Canciller Adenauer di Alemania Occidental a yega Paris awe mainta, pa atende e discusionnan preparatorio occidental pa e conferencia supremo. Periodistanan a puntrele kico e ta spera di conferencia supremo y Adenauer a contesta bisando cu ta mehor pa no spera nada, e ora ey ningun hende lo no worde desilusiona. No mester spera nada, solamente warda y mira.

E canceller tabata acompaña pa su ministro di asuntunan exterior, Von Brentano, kende ta lider di delegacion aleman occidental di observadornan na Paris y e embahador aleman occidental na Washington, prof. Grewe.

Observadornan di Alemania Occidental Oriental no por atende e conferencia supremo

Un portavoz di ministerio frances di asuntunan exterior a contesta preguntanan bisando, cu segun cosnan ta awor, lo no ta posibel pa observadornan di Alemania Oriental di occidental atende e conferencia supremo como observador.

E portavoz a muestra cu canceller Adenauer di Alemania occidental y esey su ministro di asuntunan exterior, Von Brentano, lo bai Bonn bek man-

jan awochi y cu nan lo no por ta presente anto na e conferencia supremo. El a bisa tambe cu Francia no tin relacionnan diplomatico cu Alemania Oriental, y pa e motibo ey e no por duna observadornan aleman oriental b'avis pa bai atende e conferencia supremo.


Eisenhower y MacMillan a yega Paris

Presidente Eisenhower di Merca y prome ministro MacMillan di Inglaterra, a yega Paris awe mainta net despues di otro.

Sig' lesa pag. 2

CHARLA DI DRS. MULDER TACANTE TELEVISION

ORANJESTAD — Ds. J. Mulders, director di Colegio Arubano, diarazon awor lo tene un conferencia tocante e obbieto „Television“. E conferencia aki ta bou di auspicio di Volksuniversiteit Aruba y ta tuma lugar den Cultureel Centrum na Oranjestad. Tambe no miembronan ta bon bini na e ocasion aki.



AWENOCHE pa 8.00 or

LA SALLE vs. DON BOSCO

(A)
Entrada Fl. 1.— y Fl. 0.50
Damas gratis



E foto aki ta duna un bista na e tent di „piskamento“ durante e gran feria di Club Estrella na Santa Cruz. Tabata un feria chikito pero alegre cu a atrae cientos di hende e week-end cu a caba.

Un gran surtido di REGALO pa

Santa Comunion



SPRITZER * FUHRMANN

CURACAO
ARUBA

a celebra su di diez anja di existencia. Esaki ta un prestacion unico nos mester bisa, ya cu na e concurso di Unesco ta muchanan di school di henter Reinado ta tuma parti.

Pero pa un decepcion pa Gezaghebber Beaulon como pa tur esnan presente Mario A. Croes no tabata presente pa ricibi su premio y aplausonan cu merecidamente el a hanja. Cu un palabra di carino pa eada un gezaghebber a sigi entrega e trinita premionan restante pa e muchanan cu tambe a logra tene nomber di nos isla na halto.

Despues di e acto aki sr. C. Yrausquin, adjunct inspecteur di Enseñanza a tene un discurso tur afo mustando riba e importancia di sorto di concursionan asina. Tambe diputado di Enseñanza sr. E. O. Petronia tabatin palabranan di gradicimento pa e muchanan y e directiva di C.C.A. cu dia 23 di december 1959 a cumpli 10 anja di existencia. E presidente di C.C.A., asisti pa senjoras A. Muijla, segundo secretario y W. Th. Huismans, tesoroero di C.C.A. a sigi cu entregamento di e premionan pa opstel y pintamento di CCA.

E prome tres premionan den pintamento a bai pa: Antonio Bryson, di 9e klas di School met de Bijbel, Irena Schaap di Ana School na Noord y Frank van Exel di Mon Plaisir School. E tres prome premionan pa opstel a bai pa: Lilly Zonneville di 3e klas B. di Colegio Arubano, Alida Marval di 10e klas di Filomena College y Ottway Oliviera di Sint Dominicus College. Na final di entregamento di premionan tur e presentenan a pasa pa un di e salanan den Cultureel Centrum pa presencia un exposicion di e obranan premia.

'Rafael Montano y espectáculo' un exito rotundo

„Speranza“ na papiamento maestralmente interpreta

ORANJESTAD — Tabata lastima cu asina poco hende a hanja e caminda pa Sociedad Bolivariana Diabierne anochi pa presencia e debut di e gran cantante Venezolano Rafael Montano. Esaki ta un poco comprensible, ya cu e anochi aki nos isla tabata brota di actividades manera: feria, base-ball, Chappotin, etc.

Loke cu Rafael Montano y su grupo a presenta tabata den un palabranan fantastico, y esnan cu a hera di bai a perde masha hopi. E pareha di baile y canto „Agueda“ y Yolanda tabata mes bon den eanlo cu den bailamento y ta un respaldo grandi pa e conjunto criollo forma pa Egherto Chirino (harpal) Angel Chirino (cuarta) Alfredo Rojas (maraca) y Circo Rodriguez (contrabajo).

Victor Morillo tabata esun cu a conmovie especialmente e corazon di e damanan presente cu su declamacionnan interpreta cu un voz solido y romantico. E anochi a serra cu un broche di oro cu interpretacion di e popular wals antillano di Rudy Plante: „Speranza“. Rafael Montano a pidi prome cu e interpretacion excusa si talvez e por pronuncie algun palabra di nos dushi papiamento incorreto, pero esaki no tabata necesario pasobra Rafael a canta na papiamento cu e mesun facilidad di un Antillano. Ta comprendibel e aplauso enorme cu el a hanja na final.

E aplausonan mes a bisele pa keda



E gran cantante Rafael Montano



Hinkamento I

ORANJESTAD — Na warda di Santa Cruz a yega un tal R.G. diabierna mainta pa nuebor y cincuenta y a declara cu e tipo „C.“ a hinkel cu un cuchu. G. tabatin un bolebonchi na su frente y un corta no mucho serio na su biza. El a banja asistencia di dokter y F. cu tabata buraachi a worde hiba warda.

Hinkamento II

Diabierna mainta pa un cuarto pa diez dos mucha chikito a yega na warda di San Nicolas cu e noticia cu e anochi anterior un homber a hinka nan mama cu ta biba den Village. Polisnan a huija e muher G.T. na su cas cu un corta basta hundu na su lip. Nan a hiba e muher dr. Volmer y despues pa recherche. Te ainda nan no a logra pone man ariba e culpable.

Pa tur bo aseguranan
FATUM — Tel.: 1845

Hinkamento III

Banda di Refresqueria Unico na Tanki Leendert tabatin un hinkamento diabierna pa un cuarto pasa di cuater di atardi. D.P. a hinka M.D. cu un enchi. Nan a hiba e victima hospital y despues pa su cas. E no tabata na estado di duna un declaracion. Dokter a constata un corta di 6 cm. na su schouder rober y dos corta mas chikito di 1 1/2 cm. na su cachete. E mesun dia nan a logra captura e culpable P. nan a kita e enchi for di dije y a serele por lo pronto.

Un machetazo

Nan a pidi asistencia diabierna anochi pa un cuarto pa ocho na leugd Centrum Tanki Leendert. Paec cu un tal

C.B. a dal su primo J.B. cu e banda stompi di un machete den su lomba. Recherche ta encarga cu e asunto aki.

Palo na candela

Un palo di kwini na un distancia di 250 meter pa zuid di e casita di e marinieran na Eagle Beach a pega candela diabierna anochi pa un cuarto pa nube. Spuit 8 di brandweer a logra paga e candela aki mes ora.

STOWAWAY ABORDO DI „SANTA ROSA“

ORANJESTAD — E loodsman tabata abordo ainda diasabra cuat'or di marduga ora cu nan a desenhri cu tabatin tres persona tabata biahando clandestinamente abordo di e bapor di turista Santa Rosa. E tres tiponan aki ta: G.G. R.S. (colombiano), O.V. (di Ecuador) y G.D.P. (di Ecuador). Nan intencion tabata pa bai New York. E tres tiponan aki a subi abordo di Santa Rosa na Venezuela, y a sconde bon. Pero tochi nan a worde desenhri muchu tempran (pa nan por lo menos) ora cu Santa Rosa tabata saliendo di nos haaf pa bai New York.

Cu boto di loods nan a trece nan back, y a detene nan pa debolbe nan pa e lugar na unda nan a embarca.

GANAR P-L-A-C-A



BEBE PEPSI

„Look under the Crown“

EL CISCO KID

1. „Quico a pasa, bieuw?“
„Tres a ataca mi, senjorita. Mi no tabata tempo pa defende mi!“ 2. „Bo a mira nan?“ „No. Nan tabata cu maseca bisti.“ 3. „Quico nan a lila?“ „Tur e placa! Ta parce cu nan tabata sa unda e ta!“



JUAN EL INTREPIDO

1. Mester sigui adelante, Juan! Nos a caba di drenta Tibet... trescientos milla den nord... Den ceronan steil y di oposicion roja! Lo ni bula masha abau... „Si bo por, sin peligro! Ya nos mester bula balto...“ „No tin mester di tin miedo di e pueblo tibetano! Aunque nan no ta juda... lo nan no haci nos nada...“ 3. Di pronto den un birada di camina... „Un patrulla arma! „Huy! nan por haci nos danjo!“



DICK TRACY

1. Mumus! Com lo nos que da den mumus?“ 2. „Fifth, bo ta quere cu Haku Kou ta aki nan?“ „Ta claro cu e ta aki nan. E tin mester di placa! Nan tur!“ 3. „E la bisa pa wardela na e telefoncel pa noord di e zoo.“ 4. „Pero paquico Haku Kou a haci nos trece tur su panja y flusnan?“ „Lo nos sa qui ora e ta bolbe.“



RIP KIRBY

1. „No! No! E la corta e cabulle! Rip ta bay murir!“ 2. „Esey ta mi idea. Ya nos no tin mester di Rip mas.“ 3. Y riba tera... „Nan tin dificultad a bordo. Ta parce un pelea.“ „Ojala nan no perde e placa promer cu nos quitele for di nan!“



EL PRECIO DEL TRIUNFO

1. „Ruleta, Lalo?“ „Bay boso dos. Dereki! Mi quier purba cu earta promer...“ 2. „Bo nochi... Bo quier purba bo suerte?“ „Si danki... e Americano bieuw aki mi conoce! Mi no sa hunga ruleta...“



EL DIARIO DE UNA VIDA

1. „Un portret familiar, senjorita?“ 2. „Asina ta bon...“ 3. „Tur e familia ta buscando refugio cerca Troy Ulbeck!“



PEPITA

1. „Z-z-z.“ 2. Lorenzo ta ronca quieto bay. 3. „Move di ey!“ 4. „Quien esey ta?“



Contra di Inos tambe seleccion Arubano a perde

(Di nos redactor deportivo)

ORANJESTAD. — E segundo encuentro di e serie triangular tabata entre INOS y seleccion Arubano. Atrobe pa Aruba a cuminsa un novena notamente juvenil, pero e biha aki e cambian a cuminsa tuma luga den e tercer inning eba.

A cumloza ta pitchera pa Aruba Albert Penson y pa INOS A. Bellorin. Kende a cubri henter e ruta. Aruba a usa en total tres pitcher.

INOS a habri e score den e promer inning cu un rayita. Tang, e chino, a habri cu base por bola y a roba segunda. Curvelo tambe ta mira cuatro lanzamiento malo pasa. Martinez ta promer out cu roller pa short adelantando su companjeronan. Liendo ta sal pa e mes via, pero Tang ta anota den e hugada. Castillo ta fly out pa shortstop.

E segundo inning ta trece un carrera na ambos banda. Reveron ta habri pa INOS embasando cu deadball, Torres y Rivero ta poncha, pero Bellorin ta conecta hit empujando Reveron cu tabata na segunda door di robo.

E promer carrera Arubano a worde anota door di Hallman, e hoben di 17 anja cu den e serie aki a muestra claramente su calidad di gran promesa pa nos baseball. Hallman a habri cu hit den rightfield y error di e hardinero a permitie yega tercera. Maxwell ta come ponche, pero Does ta rola pa shortstop siendo out number dos empujando Hallman.

Charles Ponso, rumani di e abridor Albert, ta tuma e monticulo den e tercer inning.

E promer dos Venezolanonan pa enfrente ta come ponche, pero e tercer, Liendo, cu den e promer inning teniendo dos na base a sali cu roller pa short, ta conecta altísimo batazo cu a pasa e cerca den leftfield pa un homerun.

Aruba ta anota un carrera mas den e cuarto inning. Hallman a bolbe habri cu hit, e biha aki un tubeyot den centerfield. Ogenio ta embasa cu error di e campo corto adelantando Hallman pa tercera. Cu S. Paul na bate Ogenio ta sali di robo pa segunda y ta worde bula facilmente sin cu Paul a swing pa stroba e tiro ni cu e homer na tercera a amaga pa hin home sikiera. Principio di e mal coaching di e inning aki. Paul ta come poncha pa out number dos, pero Jan Loefstok ta sorprende cu linea bon coloca entre tercera y short empujando Hallman. Base por bola pa Buche Muya ta worde sigi dor di hit seko ya corico den leftfield. E corredor dor di segunda Jan Loefstok ta worde manda home y ta worde saka na home cu un tiro facil y siendo spera casi un meter promer cu e yega home. Atrobe

may coaching a danja loke por a bira un rally.

E scoreboard ta muestra 3 pa 2 na favor di INOS te den e sexto inning. E ora ey e Venezolanonan ta cruza home tres biha contra di pitcher Charles Penson pa sigura nan victoria. Liendo a habri cu hit. Castillo ta sali rolaendo pa segunda pero Liendo ta alcanza segunda. Error di e shortstop riba un tiro di e receptor ta permiti Liendo ha tercera. Reveron su roller pa pitcher cu ta provoca error ta empuja Liendo. Torres ta sali cu rolling pa tercera. Rivas ta ricibi base por bola y Bellorin ta sigi cu tubey den rightfield empujando tanto Reveron como Rivero. E inning ta cerra cu ponche pa Tang.

E septimo sortario ta lansa cada banda un carrera. Curvelo ta percura pa esun di INOS tras embasa door di infieldhit, adelanta door di dos sacrificio y cruza home safe door di tiro halto di e primera base.

Di Aruba ta cuminsa ora cu Eric Penson di pinchhitter pa su rumian Charles ta conecta hit den left. Zievinger ta corre p'e. Jossyto Muya ta embasa pa error di segunda base. Hit di Harry Blijden den rightfield ta yena e basenan. Sharpe di pinchhitter pa Illidge ta rola pa tercera caminda Jossyto Muya ta worde saka pero Zievinger por cruza home. Hallman ta sigi cu roller fuerte entre primera y segunda cu ta dal contra Sharpe, bi-rando out automatico y cerrando e inning. Bon chens a bai perdi e inning aki.

E zurdo Canward ta lansa e dos ultimo inningnan pa Aruba.

E wega a caba cu e scoreboard marcando 7 pa 3 na favor di INOS.

Pitcher ganador Bellorin a ricibi 11 hit, regala 1 base por bola, poncha 7 pa 3 carrera.

Pitcher perdedor Albert Penson a lansa dos inning, ricibi 1 hit, regala dos base por bola y poncha dos pa dos carrera. Charles Penson a lansa durante cinco inning completo, ricibi 3 hit, regala dos base por bola, poncha 9 pa cinco carrera. Canward a lansa dos inning, ricibi tres hit, sin regala base por bola, poncha uno pa cero carrera.

Palabranan di Falcon na su regreso na Caracas
CARACAS, 13 mei. — E embahador venezolano na Washington, dr. Marcos Falcon, a bisa awe na su regreso na Caracas, cu e pruebanan cu Trujillo a interveni den e rebelion na San Cristobal dia 20 di april, lo worde duca na e comision di paz dye organizacion di estadonan mericano, door di gobiemo venezolano, dia 18 dye luna aki.

BANCO VENEZUELA A GANA ARUBA
(Cont. di pag. 3)
Aruba tambe tin rally di cinco carrera

Pitcher abridor Yanes di Banco Venezuela a worde cambia den e quinto inning y den e sexto e ta permiti un biha ya a perde su aspecto juvenil total di cinco carrera. E novena Aruba cu pocopoco e hungadorman tabata worde reemplaza door di hungadorman di AA.

E rapido Simeon Bryan ta yega safe ora cu e segundabase ta flumbea un roller. Lynch ta worde yama safe na primera cu un roller pa segunda. Jossyto Muya de pinchhitter pa Does ta ricibi base por bola poniendo asina tres na base. Martin Hamlet, e tremendo bateador di Nesbitt, ta worde yama com' pinchhitter pa Agumero y ta esp' Je cu fuerte incogible den rightcenter empujando tanto Bryan como Lynch. E tercer pinchhitter di e inning Papin Wilson ta come ponche, pero Romney ta embasa ora cu e shortstop ta comete error riba un rolling kedando atriebe e basenan yen. Sharpe ta fly out pa segunda. Luis Ogenio ta sigi cu un fuerte doblote harriendo e basenan pa tres carrera mas, pero Ogenio cu e carrera di empate na segunda a keda na e base ey ora cu van der Biezen a bira out number tres ponchando.

E cinco carreranan di e seleccion Arubano a pone e score na 9-8 y a trece mas emocion den e wega.

Pa Aruba ta lansa e tres ultimo inningnan Pantophlet, kende meskos cu Agumero ta haci masha bon trabao.

Banco Venezuela ta usa su tercer pitcher, Levrun, den e octavo inning. E encuentro ta eba cu score di 9 pa 8 den un victoria pa e Venezolanonan banquero.

Pitcher ganador tabata T. Yanes, kende a lansa cuatro inning completo, ricibi 6 hit, regala tres base por bola y poncha dos pa tres carrera. Alonso a lansa e tres inning ricibi tres hit, regala dos base por bola, poncha tres na cinco carrera. Levrun a lansa dos inning sin ricibi hit, regala dos base por bola y poncha uno pa cero carrera.

Pitcher perdedor tabata Lionel Wilson, kende a lansa 1 2/3 inning, ricibiendo cuatro hit, regala dos base por bola, poncha uno pa cinco carrera. H. van Heyningen e abridor a lansa 1/3 inning, ricibi dos hit, regala un base por bola pa dos carrera. Ro Agumero a lansa cuatro inning completo, permiti un hit, regala cuatro base por bola pa dos carrera. Pantophlet a lansa tres inning sin permiti hit, regalando un base por bola y poncha tres pa cero carrera.

Petrone & Croes
Dakota - tel 1712 - 1639
SERVICIO RAPIDO
BON TRABAJO

CELOTEX
No tin lugar cu por bati PRIJS
SERVICIO Y CALIDAD di
Aruba Trading Company

CANCERNAN
22 Juni — 23 Juli

Pone acento riba asuntunan financiero. No gasta mas cu ta necesario. Reorganiza bo asuntunan.

LEONAN
24 Juli — 23 Augustus

Domina personanan fastioso y situacionnan trabahoso. Yuda bo mayor y bo chef ora cu bo por.

VIRGONAN
24 Augustus — 23 September

Bula pipa pa desarmonia y trobaci, fuera dificultadnan na cas of na trabao. Cuida bo salud.

LIBRANAN
24 September — 23 October

No trece lazonan di independencia na peligro y tuma un proceder hucioso cu personanan hoben.

SCORPIONAN
24 October — 22 November

Bo ta alcanza hopi tumando iniciativa pa bo ambiente. Andamentu cu otro nan lo ta dibertido.

SAGITARIUSNAN
23 November — 21 December

No spera mucho libereza espiritual y bon voluntad. Usa tactico cu hende caprichoso.

CAPRICORNUSNAN
22 December — 20 Januari

Awe tin un eiertu presion riba financia y propiedad cu mester ser trata prudentemente.

ACUARIUSNAN
21 Januari — 19 Februari


Haci bo best pa sigura bo di cooperacion di otro nan. Cuidao cu accidentenan.

PISCES
20 Februari — 20 Maart

No haci nada cu por amenaza bo prosperidad y adelanto. Seucha consejo y busca amistad.

No haci nada cu cual bo por ocasiona enemistad entre bo colega nan.

Serving Aruba, every week
World's most modern passengerships



The new „SANTA PAULA“ and „SANTA ROSA“ of Grace Line are bringing buying-power to Aruba.

Keep them here Ship and travel via GRACE.

Agents:
EMAN TRADING CO. INC.
TEL: 1156 - 1554 - 5054 - 5055.